

Saksprotokoll i fylkesutvalet - 27.08.2015

Aud Karin Oen hadde slik merknad til saklista/PS 198/15 "Avtale med JCDecaux om reklame på rullande materiell":

"Saka er unnateke offentleggjering. Kva opplysningar i saka som gjer at den ikkje kan vera open for alle har eg vanskar med å forstå. Avtalen er ferdig til signering og det er ingen konkurranse med andre firma i dette.

Eg ber om ei vurdering /forklaring på kvifor det er slik.

Eg ber om at saka vert vurdert opna for alle."

Fylkesrådmannen svarte slik:

"Offentleglova § 13 har følgjande ordlyd:

"Opplysningar som er underlagde teieplikt i lov eller i medhald av lov, er unnatekne frå innsyn."

Forvaltningslova § 13, første ledd har følgjande ordlyd:

"Enhver som utfører tjeneste eller arbeid for et forvaltningsorgan, plikter å hindre at andre får adgang eller kjennskap til det han i forbindelse med tjenesten eller arbeidet får vite om:

- 1) noens personlige forhold, eller
- 2) tekniske innretninger og fremgangsmåter samt drifts- eller forretningsforhold som det vil være av konkurransemessig betydning å hemmeligholde av hensyn til den som opplysningen angår."

Heile kontrakten omfattar generelle kontraktsformuleringar, konkurransegrunnlag og leverandøren sitt tilbod. I tilbodet, som også inkluderer korrespondanse og referat frå forhandlings- og avklaringsmøter, er det opplysningar om følgjande område:

- Enkelttilhøve knytt til teknisk løysing
- Priselement og prisstrategiske element
- Detaljar om produkt og leveranse
- Tilhøve av forretningsstrategisk art, interne konsept og arbeidsmåtar

Fylkesrådmannen legg til grunn at dette er opplysningar som er omfatta av fvl. § 13, 1. ledd nr. 2.

Det er vanleg praksis ved gjennomføring av anbodskonkurransar at tilbydarane i samband med tilbodsinnlevering presiserer kva element i tilbodet som vert rekna som teiepliktig informasjon. Dette er også gjort i denne anbodskonkurransen. Det er motteke innsynskrav knytt til avtalen og avtale som er sladda for teiepliktig informasjon er utlevert etter dialog mellom oppdragsgjevar og reklameoperatør om kva som skal reknast som teiepliktig informasjon.

Det er ein føresetnad for handsaming av saka at dei folkevalde også har tilgang til dei teiepliktige delane av kontrakten."

Etter fylkesrådmannen si orientering vart sladda vedlegg oversendt pr. e-post til fylkesutvalet. Saksførelegget er gjort offentleg og er publisert på e-innsyn.

Mona Hellesnes og Terje Søviknes opplyste at dei ville vere ugilde i PS 201/15, medan Sveinung Valle ville vere ugild i PS 223/15. Desse sakene vart difor behandla først.

Vedtak

Innkallinga vart godkjend utan merknader.

Saklista vart godkjend med dei merknadane som er nemnd over.